

Izjava OHR-a na konferenciji za medije međunarodnih organizacija

Zakon o indirektnom oporezivanju

Zakon o indirektnom oporezivanju mora biti usvojen do kraja godine ako BiH želi da ispuni uslove za budući pristup evropskim integracijama. Jučerašnjim neusvajanjem ovog zakona Parlament BiH je iznevjerio građane ove zemlje.

Zato OHR poziva članove parlamentarne Komisije za harmonizaciju Zakona o indirektnom oporezivanju da isprave ovaj neuspjeh i postignu konsenzus o zakonu kako bi on mogao biti usvojen u oba Doma Parlamenta 29. decembra.

Komisija za harmonizaciju parlamentarne skupštine BiH sastat će se ponovo sljedeće sedmice da usaglasi tekst zakona o indirektnom oporezivanju. Do sada usvojeni su amandmani koji bi činili provedbu zakona manje efikasnom, a mnogo skupljom. To je zadnje što Bosni i Hercegovini treba. Ovaj zakon, usvojen bez štetnih amandmana, značajan je za dobrobit građana BiH. To je ključni zakon koji će pomoći u reduciranju korupcije i finansijskih prevara, stimulirati privredu i učiniti sistem indirektnog oporezivanja Bosne i Hercegovine kompatibilnim sa ostatkom Evrope. To je zahtjev Studije izvodljivosti Evropske Komisije, i mora biti usvojen sada ako nam je cilj da uvedemo PDV do početka 2006.

Božić

Visoki predstavnik upućuje svoje blagdanske čestitke svima onima koji slave Hanuku i onima koji će uskoro slaviti Božić.